



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ՎՃՌԱԲԵԿ ԴԱՏԱՐԱՆ
Ո Ր Ո Շ ՈՒ Մ

ՀԱՆՈՒՆ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

Հայաստանի Հանրապետության
վերաքննիչ քրեական դատարանի որոշում
Նախագահող դատավոր՝ Ա.Վարդանյան
Դատավորներ՝ Վ.Ռշտունի
Ա.Նիկողոսյան

23 մարտի 2023 թվական ք.Երևան
ՀՀ Վճռաբեկ դատարանի քրեական պալատը (այսուհետ՝ Վճռաբեկ դատարան),

նախագահությամբ՝
մասնակցությամբ դատավորներ՝

Հ.ԱՍԱՏՐՅԱՆԻ
Ս.ԱՎԵՏԻՍՅԱՆԻ
Ե.ԴԱՆԻԵԼՅԱՆԻ
Լ.ԹԱԴԵՎՈՍՅԱՆԻ
Ա.ՊՈՂՈՍՅԱՆԻ
Ս.ՕՀԱՆՅԱՆԻ

գրավոր ընթացակարգով քննության առնելով ամբաստանյալ Ալբերտ Ավետիքի
Ղոնջյանի վերաբերյալ ՀՀ վերաքննիչ քրեական դատարանի՝ 2022 թվականի

մայիսի 3-ի որոշման դեմ ՀՀ գլխավոր դատախազի տեղակալ Ա.Աֆանդյանի վճռաբեկ բողոքը,

Պ Ա Ր Զ Ե Ց

Գործի դատավարական նախապատմությունը.

1. 2020 թվականի մարտի 10-ին ՀՀ քննչական կոմիտեի Գեղարքունիքի մարզային քննչական վարչությունում 2003 թվականի ապրիլի 18-ին ընդունված ՀՀ քրեական օրենսգրքի (այսուհետ՝ ՀՀ քրեական օրենսգրք) 34-104-րդ հոդվածի 2-րդ մասի 1-ին կետով հարուցվել է թիվ 40101320 քրեական գործը և ընդունվել վարույթ:

2020 թվականի մարտի 10-ին ՀՀ ոստիկանության Գեղարքունիքի մարզային վարչության Գավառի բաժնում ՀՀ քրեական օրենսգրքի 113-րդ հոդվածի 2-րդ մասի 3-րդ և 6-րդ կետերով նախատեսված հանցագործության հատկանիշներով հարուցվել է թիվ 40153620 քրեական գործը, որը նախաքննություն կատարելու նպատակով ուղարկվել է ՀՀ քննչական կոմիտեի Գեղարքունիքի մարզային քննչական վարչություն և նույն օրն ընդունվել վարույթ:

Նախաքննության մարմինը 2020 թվականի մարտի 10-ին որոշում է կայացրել թիվ 40153620 քրեական գործը թիվ 40101320 քրեական գործին միացնելու և նախաքննությունը 40101320 համարով շարունակելու մասին:

Նախաքննության մարմնի՝ նույն օրվա մեկ այլ որոշմամբ Միսակ Ումրշատյանը ճանաչվել է տուժող:

Նախաքննության մարմնի՝ 2020 թվականի մարտի 13-ի որոշմամբ Ալբերտ Ավետիքի Ղոնջյանը ներգրավվել է որպես մեղադրյալ, և նրան մեղադրանք է առաջադրվել ՀՀ քրեական օրենսգրքի 113-րդ հոդվածի 2-րդ մասի 3-րդ և 6-րդ կետերով:

ՀՀ Գեղարքունիքի մարզի առաջին ատյանի ընդհանուր իրավասության դատարանի՝ 2020 թվականի մարտի 13-ի որոշմամբ մեղադրյալ Ալբերտ Ղոնջյանի նկատմամբ որպես խափանման միջոց է ընտրվել կալանավորումը՝ 2 (երկու) ամիս ժամկետով, որը հետագայում երկարացվել է:

Նախաքննության մարմնի՝ 2020 թվականի մայիսի 1-ին որոշմամբ Ա.Ղոնեջանին առաջադրված մեղադրանքը փոփոխվել է, և նրան նոր մեղադրանք է առաջադրվել ՀՀ քրեական օրենսգրքի 112-րդ հոդվածի 2-րդ մասի 6-րդ և 9-րդ կետերով:

ՀՀ Գեղարքունիքի մարզի առաջին ատյանի ընդհանուր իրավասության դատարանի՝ 2020 թվականի հուլիսի 8-ի որոշմամբ մեղադրյալ Ա.Ղոնեջանի նկատմամբ որպես խափանման միջոց ընտրված կալանավորման ժամկետը երկարացվել է 2 (երկու) ամսով: Մեղադրյալ Ա.Ղոնեջանի պաշտպան Ս.Սարգսյանի միջնորդությունը բավարարվել է՝ գրավի կիրառումը ճանաչվել է թույլատրելի, և գրավի չափ է սահմանվել 1.500.000 (մեկ միլիոն հինգ հարյուր հազար) ՀՀ դրամը:

Նախաքննության մարմնի՝ 2020 թվականի հոկտեմբերի 12-ի որոշմամբ թիվ 40101320 քրեական գործից անջատվել է մեղադրյալներ Ալբերտ և Ռուբեն Ղոնեջանների վերաբերյալ մասը, որին շնորհվել է 40101320/1 համարը:

Նախաքննության մարմնի՝ 2020 թվականի հոկտեմբերի 13-ի որոշմամբ Ա.Ղոնեջանին առաջադրված մեղադրանքը փոփոխվել է, և նրան նոր մեղադրանք է առաջադրվել ՀՀ քրեական օրենսգրքի 112-րդ հոդվածի 2-րդ մասի 6-րդ կետով:

2020 թվականի հոկտեմբերի 26-ին քրեական գործը հաստատված մեղադրական եզրակացությամբ ուղարկվել է ՀՀ Գեղարքունիքի մարզի առաջին ատյանի ընդհանուր իրավասության դատարան (այսուհետ՝ նաև Առաջին ատյանի դատարան):

2. Առաջին ատյանի դատարանի՝ 2022 թվականի փետրվարի 4-ի դատավճռով Ալբերտ Ղոնեջանը մեղավոր է ճանաչվել ՀՀ քրեական օրենսգրքի 112-րդ հոդվածի 2-րդ մասի 6-րդ կետով, և նրա նկատմամբ պատիժ է նշանակվել ազատազրկում՝ 5 (հինգ) տարի ժամկետով: Միաժամանակ, ՀՀ քրեական օրենսգրքի 69-րդ հոդվածի կարգով նշանակված պատժին հաշվակցվել է Ա.Ղոնեջանի՝ 2020 թվականի մարտի 11-ից մինչև 2020 թվականի հուլիսի 10-ն արգելանքի տակ գտնվելու 3 (երեք) ամիս 29 (քսանինը) օր ժամկետը, և վերջնական թողնվել է կրելու ազատազրկում՝ 4 (չորս) տարի 8 (ութ) ամիս 1 (մեկ) օր ժամկետով:

Նույն դատավճռով դատապարտվել է նաև Ռուբեն Ավետիքի Ղոնեջանը:

3. Պաշտպան Ս.Սարգսյանի վերաքննիչ բողոքի քննության արդյունքում ՀՀ վերաքննիչ քրեական դատարանը (այսուհետ՝ նաև Վերաքննիչ դատարան) 2022 թվականի մայիսի 3-ի որոշմամբ բողոքը մասնակիորեն բավարարել է, Առաջին ատյանի դատարանի՝ 2022 թվականի փետրվարի 4-ի դատավճիռը մասնակիորեն՝ ամբաստանյալ Ալբերտ Ղուեջյանի մասով բեկանել և փոփոխել է՝ նրա նկատմամբ նշանակված պատիժը ՀՀ քրեական օրենսգրքի 70-րդ հոդվածի հիման վրա պայմանականորեն չի կիրառել՝ սահմանելով փորձաշրջան՝ 3 (երեք) տարի ժամկետով:

Դատավճիռը մնացած մասով թողնվել է անփոփոխ:

4. Վերաքննիչ դատարանի՝ 2022 թվականի մայիսի 3-ի որոշման դեմ վճռաբեկ բողոքներ են բերել ՀՀ գլխավոր դատախազի տեղակալ Ա.Աֆանդյանը և Ռ.Ղուեջյանի պաշտպան Ս.Սարգսյանը:

Վճռաբեկ դատարանի՝ 2022 թվականի սեպտեմբերի 12-ի որոշումներով ՀՀ գլխավոր դատախազի տեղակալ Ա.Աֆանդյանի բողոքն ընդունվել է վարույթ¹, իսկ պաշտպան Ս.Սարգսյանի բողոքը մերժվել է:

Վճռաբեկ դատարանի՝ 2023 թվականի փետրվարի 27-ի որոշմամբ սահմանվել է վճռաբեկ բողոքի քննության գրավոր ընթացակարգ:

Վճռաբեկ բողոքի հիմքերը, հիմնավորումները և պահանջը.

Վճռաբեկ բողոքը քննվում է հետևյալ հիմքերի սահմաններում՝ ներքոհիշյալ հիմնավորումներով.

5. Բողոքաբերը փաստարկել է, որ Վերաքննիչ դատարանի որոշումը հիմնավորված և պատճառաբանված չէ, բացի այդ ստորադաս դատարանը թույլ է տվել դատական սխալ՝ նյութական և դատավարական իրավունքի այնպիսի խախտումներ, որոնք ազդել են գործի ելքի վրա:

Այսպես՝ բողոքաբերը, վկայակոչելով Վճռաբեկ դատարանի մի շարք նախադեպային որոշումներ, նշել է, որ Վերաքննիչ դատարանը խախտել է ՀՀ քրեական օրենսգրքի 48-րդ, 61-63-րդ, 70-րդ հոդվածները: Մասնավորապես, ըստ

¹ Համաձայն ՀՀ քրեական դատավարության օրենսգրքի անցումային դրույթները կարգավորող 483-րդ հոդվածի 8-րդ մասի՝ սույն բողոքը քննվում է մինչև 2022 թվականի հուլիսի 1-ը գործող կարգով:

բողոքի հեղինակի՝ ամբաստանյալ Ա.Ղոնջյանի նկատմամբ պատիժը պայմանականորեն չկիրառելիս Վերաքննիչ դատարանը պատշաճ չի գնահատել վերջինիս կատարած արարքի հանրային վտանգավորության բնույթն ու աստիճանը:

Միննույն ժամանակ, Ա.Ղոնջյանի նկատմամբ պատիժը պայմանականորեն չկիրառելիս, Վերաքննիչ դատարանը հաշվի է առել մի շարք հանգամանքներ՝ ամբաստանյալների՝ հարազատ եղբայրներ հանդիսանալը, պատահականորեն ծագած վեճի ընթացքում նույն տուժողին մարմնական վնասվածքներ պատճառելը, տուժողի առողջությանը կյանքի համար վտանգավոր վնաս պատճառելը և Ա.Ղոնջյանի՝ վատառողջ լինելը՝ առանց պատշաճ հիմնավորման, թե այդ հանգամանքներն ինչ ազդեցություն են ունեցել ամբաստանյալի արարքի բնույթի և հանրային վտանգավորության աստիճանի նվազեցման վրա:

Բացի այդ, ըստ բողոքաբերի, ստորադաս դատարանի կողմից պատշաճ իրավական գնահատականի չի արժանացվել Ա.Ղոնջյանի կողմից փայտե մահակով տուժողի կենսական օրգանին հարվածելու, վերջինիս ծանր մարմնական վնասվածք պատճառելու հանգամանքը, որպիսի պայմաններում Ա.Ղոնջյանի կողմից առավել ծանր և վտանգավոր եղանակով տուժողին ծանր մարմնական վնասվածք պատճառելու փաստը պետք է հանգեցնել դատարանի կողմից առավել խիստ պատժի նշանակման, մինչդեռ Վերաքննիչ դատարանը Ա.Ղոնջյանի նկատմամբ նշանակված պատիժը պայմանականորեն չի կիրառել՝ խախտելով պատժի նշանակման ընդհանուր սկզբունքները:

Միաժամանակ, բողոքաբերը փաստարկել է, որ Վերաքննիչ դատարանն արձանագրել է ամբաստանյալ Ա.Ղոնջյանի վատառողջ լինելու հանգամանքը, մինչդեռ քրեական գործի նյութերում նշված հանգամանքի մասին վկայող որևէ փաստ առկա չէ:

6. Վերոշարադրյալի հիման վրա, բողոքաբերը խնդրել է Ալբերտ Ղոնջյանի նկատմամբ պատիժը պայմանականորեն չկիրառելու մասով բեկանել Վերաքննիչ դատարանի՝ 2022 թվականի մայիսի 3-ի որոշումը և օրինական ուժ տալ Առաջին ատյանի դատարանի՝ 2022 թվականի փետրվարի 4-ի դատավճիռին:

Վճռարեկ բողոքի քննության համար էական նշանակություն ունեցող փաստական հանգամանքները.

7. Ալբերտ Ղոնջյանին ՀՀ քրեական օրենսգրքի 112-րդ հոդվածի 2-րդ մասի 6-րդ կետով մեղադրանք է առաջադրվել այն բանի համար, որ նա «(...) 2020 թվականի մարտի 10-ին՝ ժամը 15:30-ի սահմաններում, Սևան-Մարտունի-Գեղարի ավտոճանապարհի 15.7-րդ կիլոմետր հատվածում վարելով հոր՝ Ավերիք Գերենիկի Ղոնջյանի, անվամբ հաշվառված «ՎԱԶ 21099» մակնիշի, 70 VV 099 հաշվառման համարանիշի ավտոմեքենան, դեպի Սևան քաղաք ընթանալիս, Լճափ գյուղի տարածքում ճանապարհը իրար չզիջելու պայմանով վիճարանության մեջ է մտել նույն պահին ճանապարհով «Միցուրիշի Պաշտոն» մակնիշի 35 OX 216 հաշվառման համարանիշի ավտոմեքենայով երթևեկության մեջ գտնվող, Գեղարքունիքի մարզի Լճափ համայնքի բնակիչ Միսակ Բորիկի Ումրշարյանի հետ, որի ընթացքում եղբոր՝ Ռուբեն Ավերիքի Ղոնջյանի հետ գործելով մեկ միասնական դիրավորությամբ, լրացնելով մեկը մյուսի գործողությունները, անվայել արտահայտություններ հնչեցնելով Միսակ Ումրշարյանի հասցեին և նրան մեղադրելով ճանապարհային երթևեկության կանոնները խախտելու և տրանսպորտային միջոց վարել չիմանալու մեջ, դիրավորությամբ իր մոտ գտնվող փայտե մահակով մեկ անգամ հարվածել է Միսակ Ումրշարյանի գլխի գազաթային հարվածին, իսկ Ռուբեն Ղոնջյանը լրացնելով եղբոր գործողությունները՝ իր մոտ գտնվող մեքենայի խողովակով մեկ անգամ հարվածել է Միսակ Ումրշարյանի ձախ կողային հարվածին, սպաշարունակելով իրենց գործողությունները՝ ձեռքերով բազմաթիվ հարվածներ են հասցրել Միսակ Ումրշարյանի մարմնի տարբեր մասերին, վերջինիս առողջությանը պայրճատելով ծանր վնաս, կյանքին վտանգ սպառնացող՝ ձախից հետին ճակարային շրջանի սալջարդ վերքի, ձախ ակնակապիճի փափուկ հյուսվածքների սալջարդի, աջ գոտկային շրջանի արյունազեղման, գլխուղեղի միջին աստիճանի սալջարդի, որոնք առաջացել են կոնտրուզիոն հեմոռագիկ օջախներ աջ քունքաճակարայինի բլթերում, փոքր էպիդուրալ արյունահավաք ճակարային բլթում, ձախից քունքուկրի այրային աղեղի կոտրվածքի, զանգի ձախից առաջային զանգափոսում հիմի կոտրվածքի, ձախից ակնակապիճի

դրասային և ներասային պատերի կոորվածքի ձևով: Միասկ Ումրշարյանը սրացած մարմնական վնասվածքներով տեղափոխվել է «Գավառի բժշկական կենտրոն» փակ բաժնետիրական ընկերություն (...):»²:

8. Առաջին ատյանի դատարանի դատավճռով արձանագրվել է հետևյալը. «(...) Գալարաանը գրնում է, որ սպացուցված է Ալբերտ Ղոեջյանի և Ռուբեն Ղոեջյանի մեղավորությունը ՀՀ քրեական օրենսգրքի 112-րդ հոդվածի 2-րդ մասի 6-րդ կետով նախատեսված հանցանքներ կատարելու մեջ, իսկ վերը նշված սպացույցների համակցությունը բացառում է ամբաստանյալներ Ալբերտ Ղոեջյանի և Ռուբեն Ղոեջյանի կողմից ՀՀ քրեական օրենսգրքի 112-րդ հոդվածի 2-րդ մասի 6-րդ կետով նախատեսված հանցանքներ չկատարելու ողջամիտ հավանականությունը:

(...) Ալբերտ Ավերիքի Ղոեջյանի և Ռուբեն Ավերիքի Ղոեջյանի նկատմամբ պարիժ նշանակելիս Գալարաանը հաշվի է առնում ինչպես նրանց կողմից կատարած հանցագործության բնույթն ու հասարակական վրանգավորության աստիճանը, այնպես էլ նրանց անձը բնութագրող, պարասխանատվությունը և պարիժը մեղմացնող և ծանրացնող հանգամանքները:

Որպես ամբաստանյալներ Ալբերտ Ավերիքի Ղոեջյանի և Ռուբեն Ավերիքի Ղոեջյանի անձը բնութագրող հանգամանքներ Գալարաանը հաշվի է առել այն, որ ՀՀ ոստիկանության ինֆորմացիոն կենտրոնի տեղեկանքների համաձայն նախկինում դատասպարարված չեն եղել (...), բնութագրվում են դրականորեն (...):

Գալարաանը ՀՀ քրեական օրենսգրքի 62-րդ հոդվածի 1-ին մասի համաձայն, որպես ամբաստանյալներ Ալբերտ Ավերիքի Ղոեջյանի և Ռուբեն Ավերիքի Ղոեջյանի պարասխանատվությունը և պարիժը մեղմացնող հանգամանք է դիտում տուժողի վարքագծի հակաբարոյականությունը (ինչեցրել է հայհոյանք) որով պայմանավորվել է հանցագործությունը:

Գալարաանն արձանագրում է, որ ամբաստանյալներ Ալբերտ Ավերիքի Ղոեջյանի և Ռուբեն Ավերիքի Ղոեջյանի պարասխանատվությունը և պարիժը ծանրացնող հանգամանքներ գործում առկա չեն:

(...)

² Տե՛ս քրեական գործ, հատոր 2-րդ, թերթեր 256-258:

Ելնելով գործի հանգամանքներից, (...) Դատարանը գրնում է, որ իրենց կողմից կատարած հանցավոր արարքների համար Ալբերտ Ավերիքի Ղոնջյանի և Ռուբեն Ավերիքի Ղոնջյանի նկատմամբ պետք է նշանակվի պարիժ՝ ազատագրկման ձևով:

(...)

Դատարանը (...) գրնում է, որ ամբաստանյալներ Ալբերտ Ավերիքի Ղոնջյանի և Ռուբեն Ավերիքի Ղոնջյանի անձը բնութագրող վերը նշված հանգամանքները բավարար չեն գալու այն եզրահանգման, որ նրանց ուղղումը հնարավոր է առանց ռեալ (իրական) պարիժ նշանակելու: Դատարանի նման եզրահանգումը պայմանավորված է ամբաստանյալներ Ալբերտ Ավերիքի Ղոնջյանի և Ռուբեն Ավերիքի Ղոնջյանի կատարած արարքների բնույթով և վրանգավորության աստիճանով ու նրանց անձով: Այսինքն՝ Դատարանը գրնում է, որ ամբաստանյալներ Ալբերտ Ավերիքի Ղոնջյանը և Ռուբեն Ավերիքի Ղոնջյանը պետք է կրեն նշանակված պարիժը (...):»³:

9. Վերաքննիչ դատարանը, մասնակիորեն բեկանելով ու փոփոխելով Առաջին ատյանի դատարանի դատավճիռը, արձանագրել է հետևյալը. «(...) [Ա]նդրադատնալով ամբաստանյալներ Ռուբեն և Ալբերտ Ղոնջյանների նկատմամբ ազատագրկման ձևով նշանակված պարիժը կրելու հարցին (պարիժը պայմանականորեն չկիրառելու հնարավորությանը), դրա վերաբերյալ ներկայացված վերաքննիչ բողոքին՝ Վերաքննիչ դատարանը, հաշվի առնելով կատարված հանցագործության բնույթն ու վրանգավորության բարձր աստիճանը (տուժողի առողջության դեմ ուղղված դիտավորյալ ծանր հանցագործություն է), հանցանքը խմբի կազմում կատարելը, տուժողին մարմնական վնասվածքներ պատճառելիս բուժ գործիքների օգտագործման փաստը, արձանագրում է, որ նախկինում դատապարտված չլինելը, երիտասարդ լինելը և բնակության, ուսման ու աշխատանքի վայրերում դրականորեն բնութագրվելը, տուժողի վարքագծի հակաբարոյականությունը, տուժողի կողմից գույքային պահանջ ներկայացնելուց հրաժարվելն առերևույթ բավարար չէին և բավարար չեն գալու այն եզրահանգման,

³ Տե՛ս քրեական գործ, հատոր 5-րդ, թերթեր 118-150:

որ նրանցից յուրաքանչյուրի ուղղումը հնարավոր է առանց սույն գործով նշանակված պարիժը ռեալ (իրական) կրելու:

Ամբաստանյալներից յուրաքանչյուրի անձը բնութագրող փվյալների, պարասիսանսարվությունն ու պարիժը մեղմացնող վերոնշյալ հանգամանքների ամբողջությունն Առաջին արյանի դաբարանն արդեն իսկ հաշվի է առել նրանցից յուրաքանչյուրի նկարմամբ փվյալ հողվածի սանկցիայով նախատեսված նվազագույն պարիժ նշանակելիս (երկուսի նկարմամբ էլ որպես պարիժ է նշանակել ազարագրկում՝ 5 փարի ժամկետով, այն պայմաններում, երբ նրանց վերագրվող հողվածի՝ ՀՀ քրեական օրենսգրքի 112-րդ հողվածի 2-րդ մասի սանկցիան որպես պարիժ է նախատեսում բացառապես ազարագրկման ձևով՝ 5-ից 10 փարի ժամկետով):

Միևնույն ժամանակ, Վերաքննիչ դաբարանն արձանագրում է, որ ամբաստանյալների նկարմամբ ազարագրկման ձևով նշանակված պարիժի կրման հարցը լուծելիս Առաջին արյանի դաբարանը պարտավոր էր առաջնորդվել նաև մարդասիրության սկզբունքով, այն է՝ դաբարվճողում արձանագրած և գնահատման ենթարկած՝ ամբաստանյալների անձը դրականորեն բնութագրող փվյալների և պարասիսանսարվությունն ու պարիժը մեղմացնող հանգամանքների հետ մեկտեղ հաշվի առնել նաև վերջիններիս՝ հարազար եղբայրներ հանդիսանալու, պարահականորեն ծագած վեճի ընթացքում նույն փուլում մարմնական վնասվածքներ պարճատելու և համակցված վնասվածքների գնահատման արդյունքներով այդ փուլում առողջությանը կյանքի համար վրանգավոր վնաս պարճատելու փաստը, ինչպես նաև Ալբերտ Ղոնեջյանի վարատողության վերաբերյալ ներկայացված փվյալները, որի պայմաններում հնարավոր էր եզրակացնել, որ համակարարմամբ, բայցև առանց նախնական համաձայնության գործած եղբայրներից մեկի՝ գործով ամբաստանյալ Ալբերտ Ղոնեջյանի նկարմամբ դաբարվճողով նշանակված և չկրած պարիժը՝ 4 (չորս) փարի 8 (ութ) ամիս 1 (մեկ) օր ժամկետով ազարագրկումը պայմանականորեն չկիրառելը նպարակահարմար է և ողջամիտ ժամկետով՝ 3 փարով փորձաշրջան սահմանելու պարագայում կարող է ապահովվել նրա

նկատմամբ պարժի նպատակների իրացվելիությունը՝ նրա ուղղումը, սոցիալական արդարության վերականգնումը, նոր հանցագործությունների կանխումը:

Վերաքննիչ դատարանն արձանագրում է, որ ամբաստանյալ Ալբերտ Ղուեջյանի նկատմամբ նշանակված պարիժը պայմանականորեն չկիրառելը բխում էր և բխում է ՀՀ քրեական օրենսգրքի 10-րդ և 61-րդ հոդվածներով սահմանված՝ արդարության, պարասիսանարվության անհատականացման և պարիժ նշանակելու ընդհանուր սկզբունքներից և կիրառման ենթակա ՀՀ քրեական օրենսգրքի 70-րդ հոդվածը չկիրառելով՝ Առաջին արյանի դատարանը թույլ է տվել դատական սխալ՝ նյութական իրավունքների խախտում, որն ազդել է գործի էլքի վրա (...)⁴:

Վճռաբեկ դատարանի պատճառարանությունները և եզրահանգումը.

10. Սույն գործով Վճռաբեկ դատարանի առջև բարձրացված իրավական հարցը հետևյալն է. հիմնավորվա՞ծ է արդյոք ամբաստանյալ Ա.Ղուեջյանի նկատմամբ ՀՀ քրեական օրենսգրքի 112-րդ հոդվածի 2-րդ մասի 6-րդ կետով նշանակված պատիժը պայմանականորեն չկիրառելու վերաբերյալ Վերաքննիչ դատարանի հետևությունը:

11. ՀՀ քրեական օրենսգրքի 112-րդ հոդվածի համաձայն՝ «1. Դիրավորությամբ մեկ ուրիշին մարմնական վնասվածք պարճատելը կամ առողջությանն այլ ծանր վնաս պարճատելը, որը վրանգավոր է կյանքի համար կամ առաջացրել է տեսողության, խոսքի, լսողության կամ որևէ օրգանի կամ օրգանի ֆունկցիայի կորուստ կամ արտահայտվել է դեմքի անջնջելի այլանդակմամբ, ինչպես նաև կյանքի համար վրանգավոր այլ վնաս է պարճատել առողջությանը կամ առաջացրել է դրա քայքայում՝ զուգորդված ընդհանուր աշխարունակության ոչ պակաս, քան մեկ երրորդի կայուն կորստով կամ հանցավորի համար ակնհայտ մասնագիտական աշխարունակության լրիվ կորստով կամ առաջացրել է հղիության ընդհարում, հոգեկան հիվանդություն, թմրամոլությամբ կամ թունամոլությամբ հիվանդացում՝ պարժվում է ազարագրկմամբ՝ երեքից յոթ տարի ժամկետով:

⁴ Տե՛ս քրեական գործ, հատոր 6-րդ, թերթեր 61-85:

2. *Նույն արարքը, որը կատարվել է՝*

(...)

6) *մի խումբ անձանց կամ կազմակերպված խմբի կողմից,*

(...)

պարժվում է ազատագրվածներ՝ հինգից փաստ փարի ժամկետով»:

12. ՀՀ քրեական դատավարության օրենսգրքի 358-րդ հոդվածի համաձայն՝ *«1. Դատարանի դատավճիռը պետք է լինի օրինական և հիմնավորված:*

(...)

4. *Դատարանի դատավճիռը պետք է լինի պարճատարանված: Պարճատարանման ենթակա են դատարանի կողմից դատավճռում շարադրվող բոլոր հետևությունները և որոշումները»:*

13. Վճռաբեկ դատարանն առողջությանը դիտավորությամբ ծանր վնաս պատճառելու դեպքում պատիժ նշանակելու և նշանակված պատիժը պայմանականորեն չկիրառելու հարցերին անդրադարձել է իր մի շարք նախադեպային որոշումներում⁵:

14. Վերահաստատելով վերոնշյալ իրավական դիրքորոշումները՝ Վճռաբեկ դատարանը կրկնում է, որ քննարկվող հոդվածով նախատեսված հանցանք կատարելու համար պատիժ նշանակելիս և այն կրելու նպատակահարմարության հարցը լուծելիս ստորադաս դատարանները պետք է հաշվի առնեն ինչպես խախտվող հասարակական հարաբերության բնույթն ու կարևորությունը, այնպես էլ արարքի հանրային վտանգավորության աստիճանի վրա ազդող այնպիսի հանգամանքներ, ինչպիսիք են անձի հոգեբանական վերաբերմունքն իր կատարած արարքի և դրա հետևանքների նկատմամբ, հանցագործության հանգամանքները,

⁵ Տե՛ս Վճռաբեկ դատարանի՝ *Արմեն Շահբազյանի* գործով 2014 թվականի օգոստոսի 15-ի թիվ ԵՇԴ/0143/01/13, *Սարգիս Խաչատրյանի* գործով 2015 թվականի մարտի 27-ի թիվ ՏԴ/0031/01/14, *Նարեկ Խաչատրյանի* գործով 2015 թվականի օգոստոսի 28-ի թիվ ԵԿԴ/0191/01/14, *Արմեն Կարապետյանի և Ռուբեն Գուլգույանի* գործով 2015 թվականի օգոստոսի 28-ի թիվ ԵԱԴԴ/0011/01/14, *Սերգեյ Արույանի* գործով 2016 թվականի հունիսի 24-ի թիվ ԵԱԴԴ/0038/01/15, *Արմեն Գրիգորյանի* գործով 2021 թվականի փետրվարի 10-ի թիվ ԵԴ/0335/01/19, *Անդրանիկ Ալավերդյանի* գործով 2021 թվականի հուլիսի 20-ի թիվ ԿԴ2/0026/01/19 որոշումները:

եղանակը, գործիքներն ու միջոցները, մարմնական վնասվածքների քանակը, տեղակայումը, բնույթը և այլն⁶:

15. Սույն գործի նյութերի ուսումնասիրությունից երևում է, որ Ա.Ղոնեջյանին ՀՀ քրեական օրենսգրքի 112-րդ հոդվածի 2-րդ մասի 6-րդ կետով մեղադրանք է առաջադրվել այն արարքի համար, որ նա վիճաբանության մեջ է մտել Միսակ Ումրշատյանի հետ, որի ընթացքում եղբոր՝ Ռուբեն Ավետիքի Ղոնեջյանի հետ գործելով մեկ միասնական դիտավորությամբ, լրացնելով մեկը մյուսի գործողությունները, անվայել արտահայտություններ հնչեցնելով Մ.Ումրշատյանի հասցեին, դիտավորությամբ, իր մոտ գտնվող փայտե մահակով, մեկ անգամ հարվածել է վերջինիս գլխի գագաթային հատվածին, իսկ Ռուբեն Ղոնեջյանը, լրացնելով եղբոր գործողությունները, իր մոտ գտնվող մետաղե խողովակով մեկ անգամ հարվածել է Միսակ Ումրշատյանի ձախ կողային հատվածին, ապա երկուսով ձեռքերով բազմաթիվ հարվածներ են հասցրել Մ.Ումրշատյանի մարմնի տարբեր մասերին՝ վերջինիս առողջությանը պատճառելով կյանքին վտանգ սպառնացող ծանր վնաս⁷:

Առաջին ատյանի դատարանը, ամբաստանյալ Ա.Ղոնեջյանին մեղավոր ճանաչելով ՀՀ քրեական օրենսգրքի 112-րդ հոդվածի 2-րդ մասի 6-րդ կետով առաջադրված մեղադրանքում և գնահատելով կատարված հանցագործության հանրության համար վտանգավորության աստիճանը և բնույթը, հանցագործության կատարման հանգամանքները, ամբաստանյալ Ա.Ղոնեջյանի անձը բնութագրող տվյալները, գտել է, որ նրա ուղղումը հնարավոր չէ առանց ռեալ (իրական) պատիժ նշանակելու⁸:

Վերաքննիչ դատարանն արձանագրել է, որ ամբաստանյալի՝ նախկինում դատապարտված չլինելը, երիտասարդ լինելը և բնակության, ուսման ու աշխատանքի վայրերում դրականորեն բնութագրվելը, տուժողի վարքագծի հակաբարոյականությունը, տուժողի կողմից գույքային պահանջ ներկայացնելուց հրաժարվելն առերևույթ *բավարար չէին և բավարար չեն* գալու այն եզրահանգման,

⁶ Տե՛ս Վճռաբեկ դատարանի՝ *Արմեն Գրիգորյանի* գործով 2021 թվականի փետրվարի 10-ի թիվ ԵԴ/0335/01/19 որոշման 12-րդ կետը:

⁷ Տե՛ս սույն որոշման 7-րդ կետը:

⁸ Տե՛ս սույն որոշման 8-րդ կետը:

որ նրա ուղղումը հնարավոր է առանց սույն գործով նշանակված պատիժը ռեալ կրելու:

Միննույն ժամանակ, Վերաքննիչ դատարանը փաստել է, որ Ա.Ղոնեջյանի նկատմամբ ՀՀ քրեական օրենսգրքի 70-րդ հոդվածը չկիրառելով՝ Առաջին ատյանի դատարանը թույլ է տվել դատական սխալ՝ նյութական իրավունքի խախտում, այն պատճառաբանությամբ, որ վերջինս պարտավոր էր առաջնորդվել մարդասիրության սկզբունքով և հաշվի առնել ամբաստանյալների՝ հարազատ եղբայրներ հանդիսանալու, պատահականորեն ծագած վեճի ընթացքում նույն տուժողին մարմնական վնասվածքներ պատճառելու և համակցված վնասվածքների գնահատման արդյունքներով վերջինի առողջությանը կյանքի համար վտանգավոր վնաս պատճառելու փաստը, ինչպես նաև Ա.Ղոնեջյանի վատառողջության վերաբերյալ ներկայացված տվյալները⁹:

16. Նախորդ կետում շարադրված փաստական տվյալները գնահատելով սույն որոշման 11-14-րդ կետերում վկայակոչված և արտահայտված իրավական դիրքորոշումների լույսի ներքո՝ Վճռաբեկ դատարանն արձանագրում է, որ ամբաստանյալ Ա.Ղոնեջյանի նկատմամբ նշանակված պատիժը պայմանականորեն չկիրառելիս Վերաքննիչ դատարանը պատշաճ գնահատման չի ենթարկել ամբաստանյալի կողմից կատարված հանցավոր արարքի բնույթի և հանրային վտանգավորության աստիճանի վրա ազդող մի շարք գործոններ, մասնավորապես.

- խախտված հասարակական հարաբերության բնույթն ու կարևորությունը. ամբաստանյալը ոտնձգել է այնպիսի հասարակական հարաբերության դեմ, որի խախտումը բացասաբար է անդրադարձել տուժողի առողջական վիճակի վրա,

- հանցավորի հոգեբանական վերաբերմունքն իր արարքի և դրա հետևանքների նկատմամբ, մասնավորապես այն, որ ամբաստանյալը գործել է ուղղակի դիտավորությամբ, գիտակցել է իր գործողությունների բնույթն ու վտանգավորությունը, նախատեսել է իր արարքի և հետևանքների միջև առկա անմիջական պատճառական կապը և ցանկացել է համապատասխան հետևանքների վրա հասնելը,

⁹ Տե՛ս սույն որոշման 9-րդ կետը:

- հանցագործության գործիքը, մասնավորապես՝ **ամբաստանյալի մուր բուրժ գործիքի՝ փայրե մահակի առկայությունը և հանրորեն վրանգավոր արարքը փայրե մահակի գործադրմամբ կարարելը,**

- տուժողի առողջությանը հասցված վնասի բնույթն ու մարմնական վնասվածքների տեղակայումը, մասնավորապես այն, որ ամբաստանյալը վերը նշված գործիքով հարվածել է տուժողի **կենսական կարևոր օրգանի շրջանում՝ գլխի գագաթային հարվածին,** ինչին հաջորդել են **բազմաթիվ** հարվածներ տուժողի մարմնի տարբեր մասերին, որի արդյունքում վերջինի առողջությանը պատճառվել է կյանքին վտանգ սպառնացող ծանր մարմնական վնասվածք, որն ուղեկցվել է ձախից հետին ճակատային շրջանի սալջարդ վերքով, ձախ ակնակապիճի փափուկ հյուսվածքների սալջարդով, աջ գոտկային շրջանի արյունազեղմամբ, գլխուղեղի միջին աստիճանի սալջարդով, որոնք առաջացրել են կոնտուզիոն հեմոռագիկ օջախներ աջ քունքաճակատայինի բլթերում, փոքր էպիդուրալ արյունահավաք ճակատային բլթում, ձախից քունքոսկրի այտային աղեղի կոտրվածքով, գանգի ձախից առաջային գանգափոսում հիմնի կոտրվածքով, ձախից ակնակապճի դրսային և ներսային պատերի կոտրվածքով:

17. Բացի այդ, Վճռաբեկ դատարանը փաստում է, որ Վերաքննիչ դատարանն իր դատական ակտում արձանագրել, սակայն որևէ կերպ չի հիմնավորել, թե ամբաստանյալ Ա.Ղոնջյանի՝ **մյուս ամբաստանյալի հետ հարազատ եղբայրներ հանդիսանալու փաստը, պատահականորեն ծագած վեճի ընթացքում նույն տուժողին մարմնական վնասվածքներ պատճառելը** և համակցված վնասվածքների գնահատման արդյունքներով վերջինի առողջությանը կյանքի համար վտանգավոր վնաս պատճառելը, ինչպես են նվազեցնում արարքի հանրային վտանգավորության աստիճանը¹⁰: Ինչ վերաբերում է ամբաստանյալ Ա.Ղոնջյանի վատառողջության վերաբերյալ Վերաքննիչ դատարանի դատական ակտում տեղ գտած փաստարկներին, ապա Վճռաբեկ դատարանն արձանագրում է,

¹⁰ Տե՛ս, *mutatis mutandis*, Վճռաբեկ դատարանի՝ *Ֆրունզիկ Գալսրյանի* գործով 2010 թվականի մարտի 26-ի թիվ ԵԿԴ/0058/11/09 որոշման 18-20-րդ կետերը, *Գևորգ Խնուսյանի* գործով 2013 թվականի հոկտեմբերի 18-ի թիվ ԵԷԴ/0030/01/12 որոշման 14-րդ կետը, *Արսեն Մակարյանի* գործով 2015 թվականի դեկտեմբերի 18-ի թիվ ԵԿԴ/0016/11/15 որոշման 14-րդ կետը, *Արամայիս Հակոբյանի* գործով 2016 թվականի հունիսի 24-ի թիվ ԵԿԴ/0224/01/14 որոշման 17.1-րդ կետը:

որ գործի նյութերում Ալբերտ Ղոնեջյանի վատառողջության վերաբերյալ փաստական տվյալներ առկա չեն:

Միաժամանակ, Վճռաբեկ դատարանը հարկ է համարում ընդգծել, որ Վերաքննիչ դատարանի կողմից ներկայացված՝ Ալբերտ Ղոնեջյանի նկատմամբ նշանակված պատիժը պայմանականորեն չկիրառելու հիմնավորումներում առկա է որոշակի հակասություն: Այսպես՝ Վերաքննիչ դատարանը, հաշվի առնելով կատարված հանցագործության բնույթն ու վտանգավորության բարձր աստիճանը, հանցանքը խմբի կազմում կատարելը, տուժողին մարմնական վնասվածքներ պատճառելիս բույթ գործիքների օգտագործման փաստը, **ևս արձանագրել է, որ գործում առկա տվյալները բավարար չեն գալու այն եզրահանգման, որ ամբաստանյալների ուղղումը հնարավոր է առանց նշանակված պատիժը ռեալ (իրական) կրելու**¹¹: Այդուհանդերձ, հակասելով ինքն իրեն, եկել է եզրահանգման, որ Ալբերտ Ղոնեջյանի նկատմամբ նշանակված պատիժը պետք է պայմանականորեն չկիրառել:

18. Ընդհանրացնելով սույն որոշման նախորդ կետերում կատարված վերլուծությունը՝ Վճռաբեկ դատարանը փաստում է, որ Վերաքննիչ դատարանն ամբաստանյալ Ա.Ղոնեջյանի նկատմամբ նշանակված պատիժը պայմանականորեն չկիրառելիս պատշաճ ուշադրության չի արժանացրել խախտված հասարակական հարաբերության բնույթն ու կարևորությունը, կատարված հանրորեն վտանգավոր արարքի և դրա հետևանքների նկատմամբ հանցավորի դրսևորած հոգեբանական վերաբերմունքը, օգտագործված գործիքը, հարվածների քանակը, տուժողի առողջությանը պատճառված վնասի բնույթը և մարմնական վնասվածքների տեղակայումը:

Ուստի, նման պայմաններում, Վերաքննիչ դատարանի կողմից ամբաստանյալ Ա.Ղոնեջյանի նկատմամբ նշանակված պատիժը պայմանականորեն չկիրառելու հիմքում դրված՝ անձը բնութագրող տվյալները, չեն կարող ողջամտորեն նվազեցնել Ա.Ղոնեջյանի կատարած արարքի և անձի հանրային վտանգավորության աստիճանը և բավարար չեն ամբաստանյալի նկատմամբ

¹¹ Տե՛ս սույն որոշման 9-րդ կետը:

ազատագրկման ձևով նշանակված պատիժը պայմանականորեն չկիրառելու ու պատժի նպատակների իրացումն ապահովելու համար:

Վերոգրյալի հիման վրա, Վճռաբեկ դատարանն արձանագրում է, որ ամբաստանյալ Ա.Ղուեջյանի նկատմամբ ՀՀ քրեական օրենսգրքի 112-րդ հոդվածի 2-րդ մասի 6-րդ կետով նշանակված պատիժը պայմանականորեն չկիրառելու վերաբերյալ Վերաքննիչ դատարանի հետևությունը հիմնավորված չէ:

19. Այսպիսով, Վճռաբեկ դատարանը գտնում է, որ Վերաքննիչ դատարանը, ամբաստանյալ Ա.Ղուեջյանի նկատմամբ ազատագրկման ձևով նշանակված պատիժը պայմանականորեն չկիրառելով, թույլ է տվել ՀՀ քրեական օրենսգրքի 70-րդ հոդվածի ոչ ճիշտ կիրառում: Այսինքն՝ թույլ է տվել 1998 թվականի հուլիսի 1-ին ընդունված ՀՀ քրեական դատավարության օրենսգրքի 397-րդ հոդվածով նախատեսված նյութական իրավունքի խախտում:

Մինչդեռ, սույն գործով Առաջին ատյանի դատարանը կայացրել է գործն ըստ էության ճիշտ լուծող դատական ակտ, թույլ չի տվել գործի ելքի վրա ազդեցություն ունեցող դատական սխալ, ուստի անհրաժեշտ է բեկանել Վերաքննիչ դատարանի՝ 2022 թվականի մայիսի 3-ի որոշումն ու օրինական ուժ տալ Առաջին ատյանի դատարանի՝ 2022 թվականի փետրվարի 4-ի դատավճռին՝ հիմք ընդունելով սույն որոշմամբ արտահայտված իրավական դիրքորոշումները:

Ելնելով վերոգրյալից և ղեկավարվելով Հայաստանի Հանրապետության Սահմանադրության 162-րդ, 163-րդ, 171-րդ հոդվածներով, Հայաստանի Հանրապետության քրեական դատավարության օրենսգրքի 39-րդ, 43-րդ, 361.1-րդ, 415.1-րդ, 418.1-րդ, 419-րդ, 422-423-րդ հոդվածներով՝ Վճռաբեկ դատարանը

Ո Ր Ո Շ Ե Ց

1. Վճռաբեկ բողոքը բավարարել: Ամբաստանյալ Ալբերտ Ավետիքի Ղուեջյանի վերաբերյալ ՀՀ քրեական օրենսգրքի 112-րդ հոդվածի 2-րդ մասի 6-րդ կետով ՀՀ վերաքննիչ քրեական դատարանի՝ 2022 թվականի մայիսի 3-ի որոշումը բեկանել և օրինական ուժ տալ Գեղարքունիքի մարզի առաջին ատյանի ընդհանուր իրավասության դատարանի՝ 2022 թվականի փետրվարի 4-ի դատավճռին՝ հիմք

ընդունելով Վճռաբեկ դատարանի որոշմամբ արտահայտված իրավական դիրքորոշումները:

2. Որոշումն օրինական ուժի մեջ է մտնում կայացման պահից, վերջնական է և ենթակա չէ բողոքարկման:

Նախագահող՝ _____ Հ.ԱՍԱՏՐՅԱՆ

Դատավորներ՝ _____ Ս.ԱՎԵՏԻՍՅԱՆ

_____ Ե.ԴԱՆԻԵԼՅԱՆ

_____ Լ.ԹԱԴԵՎՈՍՅԱՆ

_____ Ա.ՊՈՂՈՍՅԱՆ

_____ Ս.ՕՀԱՆՅԱՆ